



Tusagassiorfinnut nalunaarut

Pressemeddelelse

COP16 – nunat tamat akornanni silap pissusaa pillugu isumaqatigiissusiassamut alloriarnissaq

Nunarsuarmioqatigiit inatsisitigut pituttugaasumik silap pissusaa pillugu isumaqatigiissusiornissamut alloriaqqinnissaat neriuutigalugu Naalakkersuisut Siulittaasuat Kuupik Kleist Mexico-mi Cancún-imi isumaqatigiinniarnissanut FN-p aaqqissugaanut COP-16-imumt peqataajartorluni 3. december 2010 aallassaaq. Ataatsimeersuarneq novembarip ulluisa 29-anniit decembarip ulluisa qulingannut ingerlanneqassaaq

- COP16-imi silap pissusaa pillugu nutaamik inatsisitigut pituttuiffiusumik isumaqatigiissutissamik angusaqarniarluni nunarsuarmi pisortat isumaqatigiissuteqarsinnaanissaat ajoraluartumik ilimanangilaq, kisiannili nunarsuarmioqatigiit COP16-imi malunnaatilimmik alloriarsinnaanissaat neriuutigaara. Silap pissusaa pillugu isumaqatiginninniarnarit pisariusuupput, tassami nunarsuarmi politikikkut aningaasaqarnikkullu pissaanerup agguagaanera, pingaartumillu nunarsuarmi piitsoqarfiusut ineriartortinnissaannut pisinnaatitaaffiit annertuumik pineqarmata. COP15-imi ilikkakkavut eqqaamasariaqarpavut, tassalu nunat ineriartortut peqataatissagatsigit, pingaartumillu ineriartoqqinnissamut oqaluttuarisaanikkut pisinnaatitaaffii ataqqissallugit. Tamanna aqutissaasoraara – tassalu silap pissusaa pillugu nutaamik inatsisitigullu pituttuiffiusumik isumaqatigiissuteqartoqassappat, nunarsuarmi pisuussutitta oqimaaqatigiinngitsumik agguarneqarnerat iliuuseqarfigeqqaarneqartariaqarpoq. Aamma suleqataasunit tamanik ataqqineqartumik malinneqartumillu nunarsuaq tamakkerlugu oqimaaqatigiissumik silap pissusaanut isumaqatigiissuteqarnissaq angussagutsigu siunissamut ungasissumut pissusiusussat ilaatitartariaqarpavut, taamaalioruttami 2012-imi COP17-imi imaluunniit 2013-imi COP18-imi isumaqatigiissuteqartoqarnissaa angusinnaassagipput ilimanarsinnaavoq, Kuupik Kleist Mexicomut aallanninnermini oqaaseqarpoq.

COP16 siorna Københavnimi silap pissusaa pillugu ataatsimeersuarnerup, COP15-ip nanginneraa, tassanilu nunarsuarmi siuttut inatsisitigut pituttuiffiusumik isumaqatigiissuteqarnissaq angunngitsoorpaat. Tassanili nunat arlallit akunnerminni isumaqatigiipput, Københavnimi nalunaarut, Copenhagen Accord, inatsisitigut pituttuiffiusumik isumaqatigiissutaanngitsoq. Københavnimi nalunaarummi qitiusumik isumaqatigiissutigineqarpoq, nunarsuarmi kiassutsip agguaqatigiissinneqarnerani suliffissuaqalernissaq sioqqullugu kiassutsimut naleqqiullugu 2 grade celsiusit sinnerlugit qaffatsinneqassanngitsoq. Nunarsuaq tamakkerlugu agguaqatigiissitsinermi 2 grader anguniarneqarpoq, maanna ngaarlu silap pissusaanik ilisimatusartut erseqqissaatigereerpaat, nunani issittuni 2 grader celsiusit sinnerlugit kiannerulernissaa malugineqarumaartoq.

29. november 2010
Sagsnr. 2010-040631
Dok. Nr. 491733
Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Københavnnimi nalunaarummi oqaatigineqartut Naalakkersuisut FN-ip silap pissusaa-nut allattoqarfianut nalunaarutigaat 2020 nallertinnagu 2007-imi aniatinneqartunut na-leqqiullugu aniatitat 5 pct.-mik appartinniassagivut, tassanili aatsitassarsiornermi suliat suliffissuillu nukimmik annertuumik atuisut ilaatinneqassanngitsut. Naalakkersuisut a-taavartumik nukissiornermik ineriartortitsinertik ingerlatiinnassavaat 2020-mi nukissiuutit ataavartut atorlugit nukimmik atuinerput 60 pct. qaangissagaa anguniarneqarluni.

Naalakkersuisuni siulittaasoq Kuupik Kleist nunarsuarmi naalagaaffinni naalakkersuisu-nilu pisortat peqatigalugit silap pissusaa pillugu ataatsimeersuarnermi COP16-imi ulluni kingullerni pingaarutilinnilu peqataassaaq.

COP16 pillugu paasissutissat

COP16 - the 16th Conference of the Parties to the United Nations Framework Conven-tion on Climate Change – sila pissusaa pillugu ataatsimeersuarnerit 16-issaraat, nunanit silap pissusaata allannguutai pillugit FN-ip sinaakkusiussatut isumaqatigiissusiaanik a-kuersisimasunit peqataaffigineqartussaq.

Ataatsimeersuarnissaq pillugu paasissutissat sukumiinerusut nunap tikeraartitsisussap nittartagaani: www.cc2010.mx aamma FN-ip silap pissusaa-nut allattoqarfiata nittarta-gaani: www.unfccc.org. takuneqarsinnaapput

Tamatuma saniatigut Naalakkersuisut silap pissusaata allannguutaanut aamma Kalaallit Nunaanni silap pissusia pillugu politikkimut nittartagaa innersuussutigineqarpoq: www.climategreenland.gl

Itinerumik paasisaqarusunnermi saaffigisassaq:

Silap pissusaa pillugu allattoqarfimmi pisortaq Michael Pedersen oqarasuaat 48 6302 imaluunniit mailikkut mipe@nanoq.gl-imut saaffigineqassaaq.